Пайдаланушы келісімі

1.Жалпы ережелер

- 1. Осы Пайдаланушы келісімі (бұдан әрі Келісім) интернет-ресурс иесі мен https://senate.parlam.kz сайтының пайдаланушысы арасындағы қарым-қатынастарды реттейді.
- 2. Интернет-ресурстың Пайдаланушысы интернет-ресурсқа қол жеткізетін кез келген тұлға болып табылады. Интернет-ресурсты пайдалану Пайдаланушы осы Келісімнің төмендегі барлық шарттарын қабылдайтынын және орындауға міндеттенетінін білдіреді.
- 3. Пайдаланушы Қазақстан Республикасы Парламенті Сенатының депутатына электрондық цифрлық қолтаңба арқылы «Сенаторға сұрақ қою» немесе «Депутаттың жеке парақшасы» сервисінің көмегімен электронды өтінішті (сұрау салуды) жібермес бұрын Келісіммен толық танысуға міндетті. Интернет-ресурстың иесі кез келген уақытта осы Келісімнің тармақтарын Пайдаланушыны хабардар етпей өзгерту, қосу немесе жою құқығын өзіне қалдырады.
- 4. Интернет-ресурста Пайдаланушының қолайлылығы үшін үшінші тұлғалардың басқа ресурстарына сілтемелер берілуі мүмкін. Егер Пайдаланушы осы сілтемелер арқылы өтсе, онда осы интернет-ресурстан кетеді. Интернет-ресурстың иесі осы интернет-ресурстың сілтемелерінің мазмұнына жауап бермейді. Интернет-ресурстың иесі мұндай интернет-ресурстарға, онда ұсынылған кез келген ақпаратқа не материалдарға немесе оларды пайдалану кезінде алынуы мүмкін нәтижелерге қатысты ешқандай ұсынымдар бермейді және қандай да бір мәлімдеме жасамайды. Егер Пайдаланушы интернет-ресурста сілтемелер орналастырылған өзге интернет-ресурстарға өтсе, Пайдаланушы мұны өз жауапкершілігін сезіне отырып жасайды.

2. Терминдер мен анықтамалар

- 5. Келесі терминдер мен анықтамалар:
- 1) интернет-ресурстың иесі ШЖҚ-дағы «Материалдық-техникалық қамтамасыз ету басқармасының инженерлік орталығы» РМК;
- 2) https://senate.parlam.kz интернет-ресурсы бұқаралық ақпарат таратылатын интернет желісінде орналастырылған ҚР Парламенті Сенатының ресми интернет-ресурсы. Қазақстан Республикасы Парламенті Сенатының қызметі туралы ресми және жедел ақпаратқа арналған. Интернет-ресурста орналастырылған ақпарат негізгі бөлімдерде ресми, ашық және жалпыға бірдей қолжетімді сипатта;
- 3) ЭЦҚ электрондық цифрлық қолтаңба құралдарымен жасалған және электрондық құжаттың анықтығын, оның тиесілілігін және мазмұнының өзгермейтіндігін растайтын электрондық цифрлық нышандар жиынтығы;
- 4) «Депутаттың жеке парақшасы», «Сенаторға сұрақ қою» сервисі Пайдаланушыға депутатқа сұрақ қою немесе өтініш жіберуге мүмкіндік беретін сервис;
- 5) пайдаланушы Қазақстан Республикасы Парламенті Сенатының интернет-ресурсын пайдаланылатын жеке немесе заңды тұлға.

3. Меншік иесінің құқықтары мен міндеттері

6. Иесі құқылы:

Пайдаланушыға интернет-ресурсқа қол жеткізуді қамтамасыз ету және сервистерді жұмыс күйінде ұстау, интернет-ресурсты пайдалану ережелерін өзгертуге, сондай-ақ осы интернет-ресурстың мазмұнын өзгерту.

7. Иесі міндеттенеді:

- 1) заңнамада көзделген жағдайларды қоспағанда, дербес деректерді Пайдаланушының келісімінсіз үшінші тұлғаларға бермеу;
 - 2) алынған дербес деректерді интернет-ресурста жарияламау;
- 3) дербес деректерді заңнамада белгіленген тәртіппен заңсыз пайдаланудан немесе жоғалтудан қорғауды қамтамасыз ету.

4. Пайдаланушының құқықтары мен міндеттері

- 8. Пайдаланушы құқылы:
- 1) интернет-ресурсты Келісімде көзделген және Қазақстан Республикасының заңнамасында тыйым салынбаған мақсаттарда және тәртібінде пайдалану;
 - 2) Интернет-ресурс иесіне дербес деректерді беруден бас тарту.
 - 10. Пайдаланушы міндетті:
 - 1) жалған ақпаратты орналастырмау, таратпау;
 - 2) орналастырылатын ақпараттың дұрыстығын тексеру;
- 3) заңсыз болып табылатын, үшінші тұлғалардың кез келген құқықтарын бұзатын; нәсілдік, ұлттық, жыныстық, діни, әлеуметтік белгілері бойынша зорлық-зомбылықты, қатыгездікті, өшпенділікті және (немесе) кемсітушілікті насихаттайтын; нақты адамдардың, ұйымдардың, билік органдарының атына жалған мәліметтер және (немесе) қорлауды қамтитын; заңсыз әрекеттерді жасауға итермелейтін контентті жүктеу мақсатында интернет-ресурстың сервистерін пайдаланбау.

5. Дербес деректерді қорғау

- 9. Пайдаланушының дербес деректерін қорғау үшін Иесі:
- 1) Пайдаланушының дербес деректерін заңсыз қол жеткізуден, өзгертуден, ашудан немесе жоюдан қорғау үшін барлық қажетті шараларды қабылдайды;
 - 2) Пайдаланушының келісімінсіз жеке деректерді үшінші тұлғаларға беруге жол бермейді;
- 3) Пайдаланушының дербес деректеріне осы ақпарат интернет-ресурсты пайдаланушының ұсынылған сұрау салуына (азаматтардың өтініші бойынша) кері байланыс беру мүмкіндігі үшін қажетті үшінші тұлғаларға ғана қол жеткізуге мүмкіндік береді.

6. Жауапкершілік

- 10. Пайдаланушы тіркеу кезінде берілген ақпараттың дұрыстығына, өзектілігіне және толықтығына жауапты.
- 11. Келісімде реттелмеген мәселелер Қазақстан Республикасының заңнамасына сәйкес шешілуі тиіс.